

In
HUNDRAD SILFURS

cum *Kristni-Saga* Hafn. 1773 editum,

per

G. P. (*Gunnar Pálsson*).



Illustrant Veterum plurima nummuli,
Naturam, historias, abdita & artium,
Ritus, religiones,
Urbes, tempora, Principes.
Obscuris veterum lux venit hinc libris
Auctorum pariter sensa regentibus;
Qva si destituamur,
Qværentes agimus nihil.
Hinc orbis studium hoc cultior undiqve
Miratur, celebrat, diligit, ampliat,
Magno non sine plausu,
Magnis nec sine fructibus.
Nec vulgaris honos, mercibus ut probis,
Hisce ænigmatibus constitui solet:
Regum serinia complent,
Magnatum & loculos beant.
Unde





Unde & iudicium & verba *Morellii*,
Quæ *Biörnerus* (*) habet, dura mihi nimis
Atque iniusta videntur

Præclarum in studii hoc genus.

Loricæ, galeas, scutaque, telaque

Miramur, veterum reliquias virum;

Horum ergo mihi nummus

Cur, quæso, placeat minus?

Ast quocunque habeant omnia se hæc modo,

Hospes non tamen his immoror anxius;

Ad Te, frigida tellus,

Converto potius stylum;

Tellus, Norrigiæ dicta colonia,

Cui nomen glaciæ indidit horrida;

Nascenti mihi matrem

Quam fors cuncta dedit regens;

Tellus, divitiis pulchra quidem Tuis,

Quamquam his divitiis rite fruens minus;

Nec tam nota metallo,

Quam gaudens aliis bonis:

Hinc

(*) Prolegom. in *Historias Regum ac Pugilum* ed. Stockh.
1737. pag. 10. ubi ita: Numismata nihil aliud sunt,
præter rudera priscae vanitatis, quæ si per omnia in-
telligerem, nec major nec melior essem; Sed si inde
superbirem, circulus meus amplificaretur in sphaera
stultitiæ, cum periculo tituli auricularis Societatis Bi-
leamiricæ.



Hinc nec nummiparens, dedita nec nimis
Signaris alibi, pervigil, orbibus;

Sed nec spernere sventa

Lætas, tristis, imagines.

Unde a principio facta coloniæ

Nummorum historiis mentio non semel;

Quamvis perdidit ætas

Horum notitiam & typos.

Rerum tempus edax omnia devorat,

Aufert, atque refert quidlibet, ut libet;

Secum certat & ipso,

Mutat, restituit, rapit.

Hic quid præstiterit cura sagax virum, aut

Quid fors obtulerit læta benignior,

Ignorare licebit

Terrarum ultimo in angulo.

Hoc tantum volui dicere, non nihil

Islandos etiam heic utile promere:

Quid sint *Ortug* & *Eyrir*,

Paulus (*) Nomophylax docet.

Quid sit *Marca* (**) docet: quæ se habeat licet

Quamvis paullo aliter, pertinet huc tamen;

Quippe hæc, nulla moneta,

Öras (***) bis quatuor valet.

Argenti

(*) *Vidalinus*.

(**) *Isl. Mörk*.

(***) i. e. Oâo amplectitur uncias.



Argenti pariter CENTURIAM explicat
Bernbardus (*) *Vidalini* egregius gener:

Qvo *Kristni-Saga* docto

Nunc splendet meletemate,

Vobis, O! cineres pulchra docentium,

Communi & Patriæ, gratulor intime,

Fructum ferre laboris

Qvod tandem egregii datur.

Nostri hæc Regis amor, Qvem sequitur cohors

Doctorum & Procerum, Qvos sequitur statim

Felix turba Juventæ,

Sacris Pieridum litans.

Isti sed pelago quid fragilem ratem

Committam stolidus, non mihi pervio?

Littus rado, relinqvens

Altum audentibus arduum.

Lætari interea convenit, & simul

Exsultare piis ominibus seneni,

Messëm prospicientem

Sémentis Veterum uberem.

(*) *Bernb. Hælbøri* F. tractus Hunavatnensis in Bor,
 Isl. Toparcha nuperrimus & celeberrimus.

Her endast óðr minn, hvern öngvum dyrt eg fel,

Veri þeim velkominn, sem virða góðfúst þel.

Þeir byggja laund sem lifa:

Lifi þeir bæði og byggj vel!

